

Ilanngussaq I

1. Nigartanik uuttuutitut nassuiaat

a) Nigartaqqortussutsinik aalajangiiniarnermut nigartanik uuttuut 2 mm-inik issussuseqarpoq, saalimasoq, ninngusuumik ilutsimigullu allanngujaatsumik sanaaq. Ilusiligaavoq sanerai sammiveqatigiissillugit, taakku 1:8-mik amiliartortunik illuttut attaveqartunik, imaluunniit narluinnartunik killilimmik amiliartussutsip taaneqartup assinganik. Nigartanut uuttuut nuuatigut putoqartinneqassaaq.

b) Nigartanik uuttuutip saava mm-ikkaarlugu nalunaaqutsersorneqarsimassaaq killingisigut akuttoqatigiinnik sammivilitsigut iluseq taanna atorneqarpat, kiisalu killingisigut amiliartortutigut. Kingullertut taaneqartumik iluseqartinneqarpat silissusia mm-inik akuttussusilinnik nalunaaqutsersorneqassaaq akuttoqatigiinnillu silissusia kisitsisilerlugu nalunaaqutsersorneqassalluni.

2. Nigartanik uuttuutip atorneqartarnera

a) Aalisarnermut atortut tasissimatinneqassapput nigartat teqeqqui atortup takissusia malillugu imminnut ungasinnerpaanngorlugit.

b) Nigartanik uuttuutip imm. 1-imi taaneqartup nuua nigartanut mangunneqassaaq uuttuut nigartanut naleqqiullugu equngatinnagu aamma atortup tanneranoortuanoortillugu.

c) Nigartanik uuttuut nigartanut mangunneqassaaq assaannarmik imaluunniit oqimaalutaq naqitsinermilluunniit uuttuut atorlugu nigartanik uuttuutip nigartat killinginut tattoqilluni uninnissaata tungaanut.

3. Nigartanik uuttorneqartussanik toqqaaneq

a) Nigartat uuttorneqartussat tulleriaaginnaat 20-ussapput aalisarnermut atortup takissutaata kaaviffiani toqqaaneqartussat..

b) Katitillugit mersorneriniit, allunaasaniit qilersuutinilluunniit 50 cm-imik qaninnerusumi nigartanik uuttuisoqassanngilaq. Ungasissusissaa ilaartorneniit, allunaasaniit qilersuutaasunilluunniit kipunganngitsumik uuttorneqassaaq, aalisarnermut atortut uuttuiffiup tungaanut isivillugit Nigartat iluarsaanneqarsimasut alissimasulluunniit uuttorneqassanngillat, imaluunniit atortunut iluaqutinut aalajangiivigineqarsimasut.

c) Immikkoortoq a)-mi allassimasutut nigartat uuttorneqartussat tulleriaaginnartuusariaqanngillat, tassa immikkoortoq b)-mik atuinikkut tamanna ajornassappat.

d) Atortut masatsillugit aatsaat uuttorneqarsinnaapput qerisimassanatillu.

4. Nigartat ataasiakkaat angissusiat

a) Nigartap angissusia nigartanik uuttuutip uniffiani kisitsisitalerneqarsimasumi silissutsimut naapertuuppoq, tassa uuttuut immikkoortoq 2 malillugu atorneqarpat.

b) Nigartap sinai takeqqatigiissutut akuerineqassapput uuttortaanermi qilernerit marluk nigartamik tukimut katititsisut uuttuutip qeqqaniittutut naatsorsuunneqarpata.

5. Piniutip nigartaqqortussusianik aalajangiineq

a) Piniutip nigartaqqortussusia mm-inut uuttorneqassaaq immikkoortut 3 aamma 4 malillugit uuttugassatut toqqarneqarsimasut amerlassusiisa nerutussusiinik agguaqatigiissitsinikkut. Agguaqatigiissitsineq mm-imut ilivitsumut qaninnerpaamut akunnaallisineqassaaq.

b) Nigartat uuttorneqartussat katillutik amerlassusissaat immikkoortoq 6-imi aalajangersarneqarpoq

6. Nigartanik uuttortaanermi periaaseq

a) Nakkutilliinermi oqartussaasut nigartat tullerijaaat 20-t imm. 3 malillugu toqqarneqarsimasut uuttortassavaat, oqimaalutaq atornagu uuttuutip assaannarmik mangunneqameratigut.

Tamatuma kingorna immikkoortoq 5 malillugu piniutit nigartaqqortussusiat aalajangerneqassaaq..

b) Nigartaqqortussutsimik naatsorsuereernikkut paasinarsippat nigartaqqortussuseq aalajangersakkanut atuuttunut naapertuutigunangitsoq nigartat tullerijaaat 20-t marluk, immikkoortoq 3 malillugu toqqakkat uuttortaqqinneqassapput

Tamatuma kingorna immikkoortoq 5 malillugu nigartat uuttukkat 60-it tunngavigalugit nigartaqqortusseseq naatsorsoqqinneqassaaq. Taanna piniutip nigartaqqortussuseraa, taamaattorli immikkoortoq C. takuuk.

c) Immikkoortoq a) imaluunniit b) malillugu nigartaqqortussutsimik aalajangiineq angallatip naalagaaniit assortorneqarpat, uuttortaanerq taanna nigartaqqortussutsimik aalajangiinermi najoqqutarineqassanngilaq, piniutillu uuttortaqqinneqassallutik.

Oqimaalutaq atorlugu uuttortaaasoqassaaq.

Nigartanik uuttuutip nuuani putumut oqimaalutaq nissimmik aalajangerneqassaaq.

Oqimaaluttap eqqortuulluinnassusia Dantest-imit akuersissutigineqarsimassaaq.

Immikkoortoq a) malillugu aalajangersaavigineqartutut piniutinut 35 mm-inik taakkuninngaluunniit nerukinnerusunik nigartaqqortussusilinnut nakkutilliilluni

uuttortaanermi oqimaalutaq 2 kg atorneqassaaq, piniutinullu allanut nakkutilliilluni uuttortaanermi oqimaalutaq 5 kg atorneqassaaq.

Immikkoortoq 5 malillugu nigartaqortussutsimik aalajangiiniarnermi oqimaalutaq atorlugu nigartat 20-t tullerriaat ataasiinnaat uuttortarneqassapput.

7. Atortunik uninngaannartunik uuttortaanermi periaaseq

a) Pullatinut qalut ikkunneqassapput siaarneqarlutillu ima, nigartat sapinngisamik kippareqqissaartunik ammanersaqalersillugit.

b) Nigartat uuttuutaat aalajangerneqassaaq qilernerit "X"-it amerlassusiisa akunnerisa uuttornerisigut kisitsillu pissarsiarineqartup "X-1"-mik agguarneqarneratigut (qilernerit amerlassusii ataatsimik ilanngarlugit). Katinnera millimeterimut qaninnermut akunnaallisineqassaaq..

c) Nigartat ammaneri pullatit killinginut aalajangerneqarsimasut uuttorneqassanngillat.

Atortut uninngaannartut allat pillugit.

1. Aalisakkanut qassutini nakkutilliisup nigartat 20-it toqqassavai. Aalisakkanut qassutini assigiinngitsunik angissusilinnik nigartaqartoqarpat, qassutini immikkoortuni nigartakinnerpaaniittut nigartat toqqarneqassapput.

2. Imm. 1 naapertorlugu nigartanik toqqaanermi nigartat tulliuttut ilaatinneqassanngillat.

a) qassutit qaatungaanni, ataatungaanni sinaaniluunniit mersorneqarsimasut eqqaanniittut nigartat

b) Katititillugit mersornerniit aamma allunaasanit qilersuutiniit nigartat marluk iluiniittut nigartat.

c) nigartat alinnikut iluarsanneqarsimasulluunniit.

8. Immikkoortiterissutini paakkarutit akuttussusiinik uuttuinermi periaaseq

a) Paakkarutit akuttussusiat uuttorneqassaaq atortup teqqorissumik saviminermut ussersaammik uuttorneqarneratigut.

b) Akunnequtit uuttorneqartussat quliussapput (10) aalajangersimanngitsut

c) Immikkoortiterissutit paakkarutaasa akuttussusiat mm-inngorlugu taaneqassaaq, paakkarutit akuttussusiisa tamarmiusut agguaqatigiissillugu angissusiat, immikkoortoq a-mut naapertuuttumik toqqaasoqarlunilu uuttisoqassaaq. Agguaqatigiissitsineq mm-imut qaninnerpaamut ilivitsumut akunnaallineqassaaq.

d) Paakkarutit akuttussusiannik naatsorsuinermi takutinneqarpat, tamanna malittarisassanut atuuttunut naapertuutinnigisoq, immikkoortiterissutini akunnequtit tamarmik atortup

sinaakkutaata iluaniittut iluatungaanniit iluatungaannut uuttortarneqassapput taakkulu katinnerat akunnequtit amerlassusiannik agguarneqassalluni. Agguaqatigiissinnerat mm-imut qaninnermut iluitsumut akunnaallineqassaaq.

e) Immikkoortiterissummi paakkarutit akuttussusiat paakkarutit akuttussusissaannut annerpaamut sukkulluunniit atuuttumut naleqqiullugu 1 mm sinnerlugu allanngorassanngilaq.